

MOPHATO 2 TEKANYETSO YA MOTHEO

MOLAETSA GO MORUTABANA:

- Itse gore tekanyetso e e telele. Ke ka moo e sa tshwanelwang go dirwa ka letsatsi le le lengwe.
- Bogolo kgaoganya dinako tsa go e dira (e ka dirwa mo dibekeng tse 2 tsa ntlha /nako ya poeletso ka beke 1-6) mo gare ga dikgono tsa puo.
- Netefatsa gore o konosetsa kgono nngwe le nngwe ya puo pele o ka lekanyetsa e e latelang.
- Tekanyetso e e dirwa go ya ka ditlhokagalo tsa kgweditharo e e rileng.
- O ka fitlhela mo dikgonong tse dingwe tsa puo, tiro ya kgweditharo tsotlhe di le 4 e akareditswe mme mo gongwe go se jalo, sekao: go kwala go akareditswe kgweditharo 4 fela.

1. GO REETSA LE GO BUA

Go supa le go tlhaloganya tlotlo e e bonolo ya molomo ka go supa le go naya maina a dilo mo phaposi-borutelong (diphousetara / ditshwantsho go ya ka ditaelo tsa morutabana,.) (Ditlhokego tsa kgweditharo 1-4)

1.1 Bontsha barutwana setshwantsho sa phaposiborutelo mo bukatiro ya DBE ya Mophato 2 buka 1 tsebe 2 o be o ba botse dipotso tse di latelang:

- a) Supa moseme. Botsa : Se ke eng? [Itlhaloso ka tlotlofoko]
- b) Supa setulo. Botsa: Se ke eng? [Itlhaloso ka tlotlofoko]
- c) Supa kgetse. Botsa: Re se bitsa eng se ka Setswana? [Tlotlofoko]
- d) Botsa: Mpontshe mosimane. [Kitso kamogelo]
- e) Botsa: Mpontshe tafole. [Kitso kamogelo]

1.2 Botsa morutwana gore a supe motho, phologolo le sengwe fela ka go fa tlhaloso e e bonolo ya molomo. (Ditlhokego tsa kgweditharo 3 le 4)

- a) Ke tshekeletsa le bohibidu. O ka nja. Ke eng? (apole)
- b) Ke go ruta go itse go buisa le go kwala. Ke nna mang? (*morutabana*)
- c) Ke dirilwe ka legong kgotsa polasetiki e bile o ka nna mo go nna. Ke eng? (setilo/setulo)

1.3 Dumedisa barutwana mme o reetse ditsibogelo tsa bona.(*tsibogela ditumediso / ditaelo / dipotso (Ditlhokego tsa kgweditharo 1-4)*)

- | | |
|--------------------------------|-----------------|
| a) Dumela (leina la morutwana) | Tsibogelo |
| b) O kae? | Tsibogelo |

1.4 Naya barutwana taelo e e bonolo.

- a) Ke kopa o bule lebatl/ setswalo.
- b) Tlola!
- c) Emelela!

2. MEDUMOPUO

2.1 Bolelela barutwana gore o tlile go biletsa mafoko a le 2. Fa mafoko a utlwala a tshwana ka medumo, bai se menwa kwa godimo mme fa medumo e farologana, menwana e ye kwa tlase.

(supa pharologanyo magareng ga ditlhaka le medumo e e tlhakanyang tlhogo. Ditlhokego tsa kgweditharo 1,2,4)

- a) bula, bola (menwana godimo)
- b) matlho, ditsebe (menwana tlase)
- c) podi, pula (menwana godimo)
- d) tsebe, maoto (menwana tlase)

2.2 Kopa barutwana go reetsa lefoko mme morago ba bue gore ba utlwa le simolola ka modumo ofe.

(Supa kamano ya tlhaka le modumo ya ditlhakannngwe tse dintsi. Ditlhokego tsa kgweditharo 1-4)

- a) bana (/b/)
- b) mme (/m/)
- c) aga (/a/)
- d) ntlo (/n/)

2.3 Bolelela barutwana gore o tlile go ba buisetsa polelo. Ba reetse ka tlhoafalo mme morago ba e boeletse bao pa diatla go ya ka lefoko lengwe le lengwe mo polelong.

(kgaoganya dipolelo tsa molomo ka mafoko a le nosi ka go opa diatla mo lefokong lengwe le lengwe. Ditlhokego tsa kgweditharo 1-2)

- a) Ke nwa metsi. (Ke – nwa – metsi). (Opa ga 3)
- b) Mme o ja dijo. (Mme – o - ja – dijo). (Opa ga 4)
- c) Ke rata sekolo sa rona. (Ke - rata –sekolo – sa - rona) .(Opa ga 5)

2.4 Bolelela barutwana gore o tlile go bua mafoko a mmalwa. Ba reetse ka tlhwafalo mme ba bontshe ka monwana o le mongwe fa e le selo se le sengwe mme ka e me bedi fa e le tse di

ntsi. *(O lemoga bontsi ka go utlwa) (Ditlhokego tsa kgweditharo 3-4)*

- a) Mosese (monwana o le 1)
- b) Ditlhako (menwana e me 2)
- c) Buka (monwana o le 1)
- d) Ditafole (menwana e me 2)

2.5 Bolelela barutwana gore o tlile go bua lefoko. Ba reetse ka tlhwafalo mme ba boeletse lefoko ka go opa diatla mo dinokong tsa mafoko.

(Opa diatla mo dinokong tsa mafoko a a tlhwaelegileng). (Ditlhokego tsa kgweditharo Term 2-4)

- a) Bana [ba – na] (Opa ga 2)
- b) Lesela [le – se – la] (opa ga 3)
- c) Mosimane [mo – si – ma – ne] (Opa ga 4)
- d) Rona [ro – na] (Opa ga 2)

3. PUISO

3.1 Buisetsa barutwana kgang go tswa mo dibukeng tsa mophato wa ntlha mme o ba botse

dipotso tse di bonolo di le 5 go tswa mo go yona. *(Araba dipotso dingwe tse di bonolo ka tshegetso ya ditshwantsho.) (ditlhokego tsa kgweditharo 1-4)*

3.2 Kopa barutwana go supa dilo mo setshwantshong sa kgang e o neng o e ba buisetsa. Botsa potso e le 1. (Supa dilo mo ditshwantshong (Buka kgolo/Phousetara) Ditlhokego tsa kgweditharo 1, 3 and 4)

3.3 Kopa barutwana go go supetsa dilo tse di farologaneng go tswa mo kgang e o ba buiseditseng. Botsa dipotso di le 3. (O supa go tlhaloganya tlotlofokomo kgang ka go supa dilo mo setshwantshong a tsibogela ditaelo go tswa mo morutabaneng. (Phousetara/Buka kgolo) Ditlhokego tsa kgweditharo 1-2)

3.4 Kopa barutwana go buisa mafoko a le 20-30 a a tlwaelegileng

(Temogo ya mafoko: Lemoga mafoko a a tlwaelegileng a le 20-30 mo Puo Tlaleletso. Ditlhokego tsa tekanyetso e e itshetlegileng mo sekolong (SBA) kgweditharo 4) Dirisa leane le le fa tlase la mafoko a a tlwaelegileng mme o kope barutwana go a buisa. (Dirisa mokgwa wa EGRA)

ke	yona	bona	gare	le
ya	se	ke	kwa	ena
nna	go	bona	katse	wena
bua	ja	rona	nnye	mosimane
tswa	mosetsana	tshwara	eng	tlaya
fa	dira	nna	Ya me	kwa

4. GO KWALA

(O kwala lenaane le le bonolo le le nang le setlhogo (mafoko a le 3-5 ka setlhogo) Ditlhokego tsa kgweditharo 3-4)

4.1 Kopa barutwana go kwala lenaane la diaparo tseo ba nang le tsona.

Diaparo tsa me:

1.
2.
3.